

სსიპ – ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტზე ასისტენტ პროფესორის სამსახურში მისაღებად რექტორის 2023 წლის 14 დეკემბრის №315/01-01 ბრძანების საფუძველზე გეოგრაფიის დეპარტამენტის (გეომორფოლოგიისა და კარტოგრაფიის კათედრა) გამოცხადებული კონკურსის ჩატარების უზრუნველსაყოფად უნივერსიტეტის აკადემიური საბჭოს 2023 წლის 25 დეკემბრის №121/2023 დადგენილების მე-3 პუნქტის საფუძველზე დამტკიცებულ საკონკურსო კომისიის სხდომის

### შემაჯამებელი ოქმი #1

ქ. თბილისი

31 იანვარი 2024

სხდომას ესწრებოდა კომისიის სრული შემადგენლობა:

1. დალი ნიკოლაიშვილი - თსუ, ზუსტ და საბუნებისმეტყველო მეცნიერებათა ფაკულტეტის პროფესორი (კომისიის თავმჯდომარე);
2. ვაჟა ტრაპაიძე, თსუ, ზუსტ და საბუნებისმეტყველო მეცნიერებათა ფაკულტეტის ასოცირებული პროფესორი (კომისიის თავმჯდომარის მოადგილე);
3. ლამზირა ლალიძე - თსუ, ზუსტ და საბუნებისმეტყველო მეცნიერებათა ფაკულტეტის ასოცირებული პროფესორი (კომისიის მდივანი);
4. ლია მაჭავარიანი - თსუ, ზუსტ და საბუნებისმეტყველო მეცნიერებათა ფაკულტეტის პროფესორი;
5. დავით კერესელიძე - თსუ, ზუსტ და საბუნებისმეტყველო მეცნიერებათა ფაკულტეტის პროფესორი;

დღის წესრიგი:

1. სსიპ - ივანე ჯავახიშვილის სახელობის თბილისის სახელმწიფო უნივერსიტეტის, ზუსტ და საბუნებისმეტყველო მეცნიერებათა ფაკულტეტზე, გეოგრაფიის დეპარტამენტის გეომორფოლოგიისა და კარტოგრაფიის კათედრაზე, ასისტენტ პროფესორის ერთ ვაკანტურ თანამდებობაზე, სამსახურში მისაღებად გამოცხადებული კონკურსის შედეგების შეჯამება და გამარჯვებული კანდიდატის გამოვლენა.
2. კონკურსის შედეგების ამსახველი შემაჯამებელი ოქმის უნივერსიტეტის აკადემიური საბჭოსათვის დასამტკიცებლად გადაცემა.

მოისმინეს:

კომისიის თავმჯდომარის პროფესორ დალი ნიკოლაიშვილის შემაჯამებელი ინფორმაცია კომისიის მიერ კონკურსის თოთოეული ეტაპის შედეგების განხილვის საფუძველზე მიღებული გადაწყვეტილებების და კონკურსის შედეგების შეჯამების შესახებ. მან აღნიშნა, რომ საკონკურსო კომისიაში, რომელიც დამტკიცებულია თსუ-ს აკადემიური საბჭოს 2023 წლის 25 დეკემბრის №121/2023 დადგენილების მე-3 პუნქტის საფუძველზე, შემოვიდა ერთი განაცხადი (კონკურსანტი გიორგი გაფრინდაშვილი). საკონკურსო კომისიას საბუთები გადაეცა დალუქულ მდგომარეობაში და კომისია შეუდგა მუშაობას.

კონკურსის I ეტაპზე საკონკურსო კომისიის მიერ შემოწმდა საკონკურსო დოკუმენტაცია და შეფასდა წარმოდგენილ ანკეტაში მოყვანილი ინფორმაცია კონკურსანტის შეფასების ფორმის მიხედვით.

შეფასების I კატეგორიაში „ფორმალური კვალიფიკაციის შესაბამისობა ვაკანსიის პროფილთან“ წარმოდგენილი მონაცემების საფუძველზე (კონკურსანტის განათლება, აკადემიური/სამეცნიერო ხარისხი, სამსახურეობრივი გამოცდილება, პედაგოგიური სტაჟი), კომისიის მიერ კონკურსანტი შეფასდა კრიტერიუმით „კვალიფიკაცია აკმაყოფილებს მოთხოვნებს“.

შეფასების II კატეგორიაში „პედაგოგიური გამოცდილების შესაბამისობა ვაკანსიის პროფილთან“ მოცემული მონაცემების საფუძველზე (კონკურსანტის პედაგოგიური მოღვაწეობა, თსუ-ში წაკითხული კურსები (სასწავლო-მეთოდური პუბლიკაციები, სილაბუსები და სხვ.) კომისიის მიერ კონკურსანტი შეფასდა კრიტერიუმით „მაღალი“.

შეფასების III კატეგორიაში „სამეცნიერო-კვლევითი საქმიანობა“ წარმოდგენილი მონაცემების საფუძველზე (იმპაქტ-ფაქტორიან ჟურნალში გამოქვეყნებული სტატია, საერთაშორისო პუბლიკაციები, სამეცნიერო კონფერენციებზე გაკეთებული მოხსენებები, ციტირების ინდექსი, თანამშრომლობა უცხოეთის სამეცნიერო ცენტრებთან და ა.შ.), კომისიის მიერ კონკურსანტი შეფასდა კრიტერიუმით „მაღალი“.

კონკურსანტის მიერ კომისიისათვის შესაფასებლად წარმოდგენილი ერთი ნაშრომი, კომისიის მიერ შეფასდა როგორც მაღალ სამეცნიერო დონეზე შესრულებული და დარგთან სრულ შესაბამისობაში მყოფი სამეცნიერო ნაშრომი.

კონკურსანტის მიერ წარმოდგენილი სამოტივაციო წერილი ნათლად ასახავს კონკურსანტის ხედვას მიმართულების განვითარებაში, მის უშუალო წვლილს სასწავლო-სამეცნიერო პროცესის ხელშეწყობაში, გამოცდილებას, ასევე სტუდენტთა ჩართულობას სამეცნიერო-კვლევით საქმიანობაში და სხვ. გამოიკვეთა კონკურსანტის უშუალო ჩართულობა და თაოსნობა საუნივერსიტეტო სივრცეში მიმდინარე როგორც კვლევით, ისე საგანმანათლებლო პროცესებში საბაკალავრო, სამაგისტრო და სადოქტორო პროგრამების დონეზე.

შეფასების IV კატეგორიაში „კონკურსანტის სხვა სახის აქტივობა“ და „დამატებითი ინფორმაცია“ წარმოდგენილი ჩამონათვალის საფუძველზე, როგორცაა: მაგისტრანტებისა და დოქტორანტების საკვალიფიკაციო ნაშრომების ხელმძღვანელობა (თსუ, სტუ, სსი); სტუდენტთა ხელმძღვანელობა სამეცნიერო კონფერენციებზე; სამაგისტრო და სადისერტაციო ნაშრომების რეცენზირება; სამაგისტრო და სადისერტაციო ნაშრომების დაცვის კომისიის წევრობა (თსუ, სტუ). თანამშრომლობა რამდენიმე გარემოსდაცვით ორგანიზაციასთან, მონაწილეობა გარემოსდაცვითი ზემოქმედების შეფასების პროექტებში. კონკურსანტი არის საერთაშორისო და ეროვნული ფონდების საექსპერტო კომისიის წევრი; ასრულებს სხვადასხვა ტიპის საკონსულტაციო/საექსპერტო საქმიანობას; მონაწილეობს სხვადასხვა სახის (UNDP, საჯარო რეესტრი, სააგენტო) საკონკურსო კომისიებში;

ფლობს კომპიუტერულ პროგრამებს: ArcGIS, Microsoft Office, Adobe Photoshop, Adobe illustrator, AutoCAD, QGIS, Ramms, FlowR, Rockyfor3D, ILWIS, GPS და უცხო ენებს.

შეფასების IV კატეგორიაში კომისიის მიერ კონკურსანტი შეფასდა კრიტერიუმით „მაღალი“.

კონკურსანტი გადაყვანილ იქნა მეორე ეტაპზე, გასაუბრება დაინიშნა 30 იანვარს.

გასაუბრებისას კონკურსანტმა გამოავლინა მაღალი სამეცნიერო ერუდიცია და პროფესიონალიზმი გეომორფოლოგიური საკითხების სიღრმისეული ცოდნის, დარგის თანამედოვე ტენდენციების, სტიქიური მოვლენების შეფასების, გეოინფორმაციული სისტემებისა და დისტანციური ზონდირების მიმართულებით, ასევე სხვადასხვა ტიპის ბუნებრივი საფრთხეების კვლევის მეთოდოლოგიის, ზონირების და რისკის რუკების მომზადების, მაპროვოცირებელი ფაქტორების ანალიზის კუთხით.

მოქმედი დებულების თანახმად ჩატარდა ფარული კენჭისყრა. კენჭისყრის შედეგების მიხედვით, კომისიის ხუთივე წევრმა მხარი დაუჭირა, თსუ ზუსტ და საბუნებისმეტყველო მეცნიერებათა ფაკულტეტზე, გეოგრაფიის დეპარტამენტის გეომორფოლოგიისა და კარტოგრაფიის, ასისტენტ პროფესორის თანამდებობაზე გიორგი გაფრინდაშვილის კანდიდატურის გამარჯვებულად გამოვლენას.

დასაბუთება: გიორგი გაფრინდაშვილი არის მაღალი კვალიფიკაციის სპეციალისტი – გეომორფოლოგი, რომელსაც აქვს საკმაოდ კარგი სამუშაო გამოცდილება (გარემოს ეროვნული სააგენტო, ვახუშტი ბაგრატიონის გეოგრაფიის ინსტიტუტი, პროფილურ საგნებში ლექციების წაკითხვის 10 წლიანი გამოცდილება და სხვა). აღნიშნული პროფილით გამოქვეყნებული აქვს ნაშრომები მაღალი რეიტინგის ჟურნალებში, არის მონოგრაფიების თანაავტორი, მონაწილეობა აქვს მიღებული საერთაშორისო





ფორუმებში, მჭიდრო კონტაქტი აქვს დარგში მოღვაწე საერთაშორისოდ აღიარებულ ექსპერტებთან და ორგანიზაციებთან (ტვენტეს, სალერნოს, ფლორენციის, ზაგრების, ბელგრადის და სხვა უნივერსიტეტები), რაც მნიშვნელოვნად შეუწყოფს ხელს უნივერსიტეტის საერთაშორისო პროექტებში ჩართულობას და ინტერნაციონალიზაციას. არის საერთაშორისო და შოთა რუსთაველის ეროვნული სამეცნიერო ფონდის მიერ დაფინანსებული გრანტების ხელმძღვანელი და ძირითადი შემსრულებელი; სასწავლო და სამეცნიერო საქმიანობაში მიღებული გამტკიცდილება და პროფესიული უნარები სრულიად შეესაბამება ვაკანსიის პროფილს.

#### ერთხმად დაადგინეს:

1. ივანე ჯავახიშვილის სახელობის თბილისის სახელმწიფო უნივერსიტეტის ზუსტ და საბუნებისმეტყველო მეცნიერებათა ფაკულტეტის, გეოგრაფიის დეპარტამენტის გეომორფოლოგიისა და კარტოგრაფიის კათედრის ასისტენტ პროფესორის I ვაკანტურ თანამდებობაზე, სამსახურში მისაღებად გამოცხადებული კონკურსის I და II ეტაპების შეჯამებით და ფარული კენჭისყრის ბიულეტენების დათვლის შედეგად (5 ხმა დადებითი, წინააღმდეგი 0), გამარჯვებულად გამოცხადდეს გიორგი გაფრინდაშვილი.

კონკურსის შედეგების ამსახველი შემაჯამებელი ოქმი გამოქვეყნდეს საჯაროდ და გადაეცეს უნივერსიტეტის აკადემიურ საბჭოს დასამტკიცებლად.

#### კომისიის წევრები:

1. დალი ნიკოლაიშვილი (კომისიის თავმჯდომარე) 
2. ვაჟა ტრაპაიძე (კომისიის თავმჯდომარის მოადგილე) 
3. ლამზირა ლალიძე (კომისიის მდივანი) 
4. ლია მაჭავარიანი (კომისიის წევრი) 
5. დავით კერესელიძე (კომისიის წევრი) 